

La Quotidiana 14-8-2015 p. 18

17.25 CUNTRASTS SIN SRF 1

«Sas anc?»: Ina veta pil vergau *In purtret dad Alfons Maissen*



Alfons Maissen ha vivì bunamain l'entir ventgavel tschientaner. Schon quai n'è betg be per mai impressiunant. Maissen ha era passentà sia entira lunga vita cun ramassar objects, guaffens, mobiglias, ma cunzunt era scrìts, fotografias e plunas da chanzuns. In stgazi unic pudain nus engraziar a la premura e perseveranza da Maissen. Jau less pretender ch'el haja tegnì en salv ina gronda part da nossa ierta culturala. «Ina veta pil vergau», aveva l'autur Gieri Venziun numnà ses purtret filmic, ch'el ha fatg l'onn 2001, gist curt avant la mort dad Alfons Maissen.